

Was merr su babbeld

Was suchsden du omm friehe Moie?
Was hosde gesaad?
Was du suche dust?
Unser ahl Miggebladdsch.
Mir hawwe koo ahl Miggebladdsch.
Mir hawwe immer oo gehabbd.
Awwer schunn e paar Johr nimmi.
Isch habb die doch noch geseh.
Wonn donn?
Im letzde Summer.
Ja, die hosde geseh.
Siehsde.
Awwer nitt bei uns.
Ei wo donn?
Bei moiner Schwessder.
Ah ja.
Die hawwe mieh Migge als wie mir.
No ja, su uffem Lond.
Awwer die numme die aach nimmi.
Ferr was hawwe die donn su e Ding?
Um die Migge fortzejaache.
Also nor ferr su ze wedele?
Ei ja.
Ferrs Wedele brauch isch koo Miggebladdsch
Ferr was donn?
Die Migg uff de Kaffeetass dootzeschlaache.
Dessdeweeseche hawwe merr koo mieh.
Was donn, Migge?
Naa, e Miggebladdsch.
Was hodden e Blatsch meddem Kaffee ze due?
Dess missde awwer noch wisse.
Was misst isch wisse?
Wie de e Migg uff de Kaffeetass erwische wollst.
Unn donn?
Wie de se nitt kriecht host, awwer debei ...
Was debei?
... die Kaffeetass umgeschmisse host.
Unn de Kaffee?
Der iss derr uff die nei Hos.
Wonn issen dess bassierd?
Onn Pingsde vor drei Johr.
Onn Pingsde? Unn donn?
Donn mussde derr e nei Hos oozieh.
Isch habb joo genuch Hose.
Du unn genuch Hose?

Honne381

Ja, habb isch doch, odder?

Naa. Isch habb schunn die gons Zeit gesaad ...

Dass merr koo Miggebladdsch mieh hawwe.

Naa, dassde derr e nei Hos kaafe sollst.

Isch brauch koo nei Hos.

Du brauchst e Hos unn isch neie Schuh, doo ...

... doo kennde merr doch oikaafe fahrn, odder?

Ja, dess kennde merr.

Dess iss werklisch werre typisch Fraa.

Was iss typisch Fraa?

Dass merr vunnere ahl Miggebladdsch uff neie
Schuh kumme dut.

Eiern Honnes